

D'Presshaustir

A so a Plotta Presshaustir,
des is **nix Wichtig's**, kimmt ma vir.
Wonn's zui is, gengan d'Leit vobei
und dengan si gor nix dabei.

A so a Plotta Presshaustir,
is **do wos Wichtig's**, kimmt ma vir.
Wonn's offa is, stutzt ' niada Mo,
er do net vobei geh' ko!

Wonn offa is a Presshaustir z'Plott,
da Baua praktisch eeg'lont hot
an iad'n, wos vobei geht g'rod,
dass a an Wee zum Kost'n hot.

A Presshaustir in Plott – wonn's offa -
losst auf an guid'n Tropfa hoffa.
Eeene gehst a wengl rost'n,
dischkarier'n und a wos kost'n.

Wonn z'Plott a Presshaustir is offa,
donn Monna, donn wird fleißi g'soffa.
Vom Kost'n is donn nimma d'Red',
an iada Mo seen Mo do steht.

Is offa a Presshaustir in Plott,
is Wei in gress't'n Kumma hot:
Wonn's liacht wird erscht kimmt **er** daher,
sie hot mit eam a riesig's G'scher.

25. Juli 2020